

天

象

源

委

天象源委卷三

象度

度者天之度数有黃有赤割為十二宮截為三百六十度定為舍并廟壯分界位等其在天則有二十四節氣之分其在人則有命財等十二宮之別其界限之所在有如刑名家之法律不容游移遷徙最為謹且嚴者然星有星之性情此固因陰陽分為五行之所致矣而度何為亦有度之性情不觀之人乎人有入之性情而五臟六腑亦各有其性莊子所謂肝膽楚越是也不寧性是頭目手足皮膚毛髮寸寸性各不同此醫家所以治

法亦各不同在物亦然同一物也而皮一其性殼一其性實一其性首一其性身一其性尾一其性或熟食而性與生食不同或鹹製而性與蜜製各異此七曜所以至其度而性變宮度所以有其星而性亦異也惟其異故有宜于此者有宜于彼者有應求之此者有應求之彼者如占晴雨則當論五星亦當論日月占功名則當論星之舍又當論星之升種種妙理各有其故惟在乎權度之精切衡量之不爽也輯象度

十二宮名

子  
丑  
寅  
卯  
辰  
巳  
午  
未  
申  
酉  
戌  
亥

元枵星紀折木大火壽星鶉尾鶉火鶉首寶沈大梁降婁嫩嘗  
寶瓶磨羯人馬天蝎天秤雙女獅子巨蟹陰陽金牛白羊雙魚

立象安命十二宮

天人公用

卯 寅 丑 子 亥 戌 酉 申 未 午 巳 辰

一宮二宮三宮四宮五宮六宮七宮八宮九宮十宮十一宮十二宮

直十二宮衡十二宮斜十二宮百游十二宮辨

宣城梅文鼎云渾圓之體折之則為周天經緯之度周天之度  
合之成一渾圓而十二分之則十二宮矣然有直十二宮焉有  
衡十二宮焉有斜十二宮焉又有百游之十二宮焉以天項為  
樞依地平經度而分者直十二宮也其位自子至卯左旋周十

二辰辨方正位于是焉用之以子午之在地平者為極而以地  
平子午二規為界界各三宮者衡十二宮也其位自東地平為  
第一宮起右旋至地心又至西地平而歷午規以復于東立象  
安命于是乎取之赤道十二宮從赤極而分極出地有高下而  
成斜立是斜十二宮也加時之法于是乎取之則其定也西行  
之度于是乎紀之則其將也黃道十二宮從黃道極而分黃道  
極繞赤道之極而左旋而黃道之在地者從之轉側不惟日  
異而且時移晷刻之間周流遷轉正斜升降之度于是乎取之  
故曰百游十二宮也然亦有定有游定者分至之限游者恆星  
歲差之行也知此數種十二宮而俯仰之間縷如掌紋矣然猶

言經度未及其緯故曰經緯中之一法也

經緯二法  
中之一法

七曜本宮

天人公  
用中西  
同法

象宗云獅子宮屬太陽巨蟹宮屬太陰與二宮相對者寶瓶宮  
磨羯宮屬土星因土星性情與太陽太陰相拗土星輪下是木  
星因此人馬宮繫依磨羯宮雙魚宮繫依寶瓶宮此二宮屬木  
星白羊宮與天蠍宮屬火星天蠍宮繫依人馬宮白羊宮繫依  
雙魚宮金牛宮與天秤宮屬金星金牛宮繫依白羊宮天秤宮  
繫依天蠍宮陰陽宮與雙女宮屬水星陰陽宮繫依金牛宮雙  
女宮繫依天秤宮 木星二宮與太陽太陰宮分三合照金星  
二宮與太陽太陰宮分六合照土星二宮與太陽太陰宮分相

冲照此則土得本陽太陰之位不為佳火星二宮與太陽太陰宮分二弦照各

星在本宮有力在對照無力惟水與太陽太陰本無照

此七曜分宮中西同法無參差不齊至于命學財帛等宮其  
大段亦同惟論照中土止有三方吊照而西占之照不惟三  
方且有六合二弦又將七曜光分別大小不等斯為入密矣  
至于二星相冲亦原屬中土所忌中西語言不同文字各異  
而于天象立體占驗之大處無不相同是可見理之所在放  
乎四海無不準者

黃道十二宮名之德黃道十二宮性情所主書未詳載因  
摘此節并下節以補之又有十二

象每象三分主天時者見占時又  
有黃道性分四方主血等見命理

天文實用云渾儀說分黃道為十二宮引太陰會日十有二次  
諸所以然合以形物生存之故計得十二數因以分界黃道也  
蓋物之質為火為氣為水為土而物必先有其生次有其存後  
有其毀凡三界三四相乘其數十二各行各依物界得三宮火  
得降婁鶉火析木性熱而乾戊午氣得寶沈壽星元枵性熱而  
濕中辰水得鶉首大火嫩訾性濕而冷未卯土得大梁鶉尾星  
紀性冷而乾丑巳以四元情乾冷熱歸四元行各于其類無相雜  
標準古宗動列宿各天宮度適合今則元行之配宮次稍有邊  
移矣而指稱猶同于古也歲差之故以上係論三角十二宮名  
西因隊以人物從其德也太陽躔一宮戌宮大顯熱效名白羊



羊性熱也躔二宮照物益增光力名金牛牛之大力勝于羊矣  
扣表時宜耕牛耕從也躔三宮會春夏之際春近陰夏近陽名  
陰陽宮又名雙兄日力勝于往時為強而其長物之熱猶然順  
之一強一順陰陽之義也蓋雙得之躔四宮名巨蟹日至此并  
諸遊星悉退行而南有類蟹行躔五宮名獅子獅子百獸王力  
強而性猛太陽至此乾熱極矣性相似故名躔六宮名室女日  
之于物也至此但令成熟不復發生辭勞而向逸如未字之女  
然躔七宮去赤道之中而南則象名天秤間無所事獨分晝夜  
令平耳次名天蝎蝎小蟲能暗中人不及防也躔八宮其熱歛  
矣冷氣徐侵人孰覺之又次名人馬是時風狂雨驟有躍馬發

矢之象蓋日躔九宮矣躔十宮名磨羯仍自南而北其行緩緩  
山羊之上木近之躔十一宮名寶瓶十二宮名雙魚時多雨澤  
瓶汲水魚遊水皆濕勝之象也凡此十二宮各像各效皆綠黃  
道斜倚天體乃致時變不等如此設令黃赤以正相合即七政  
之距各地平宮之天頂經度恒等又何異效之有

### 黃道十二象主人性

天步真源云十二象論人性白羊主人根慤大膽暗謀害人<sub>之火</sub>  
故金牛主人快樂好色奢華<sub>金之</sub>陰陽主人聰明<sub>水之</sub>有主意  
應無喜天文不淳良<sub>二體</sub>巨蟹作客<sub>月之</sub>有家業性浮婦人生  
主意<sub>命宮</sub>此宮<sub>作</sub>善持家<sub>皆月</sub>之故獅子為善人老成穩當喜天文<sub>日</sub>之  
故

雙女生人大聰明善讀書在地平東地生人無不讀書者大文

人能明深微之理雙女係水宮水天平主快樂能生利好色不

甚朴實金之天蠍大胆爭聞不怕死火之失信火主喜作亂火

多勞力火屬人馬性寬愛人忠誠善作事木之磨羯生人醜大

故土之難交土弱喜利土主寶瓶心野性固執土性不喜同人土性

不喜笑語土主不雙魚為人小心明白性寬有主意善作客木

主多才技

### 黃道十二宮分陰陽晝夜

象宗云白羊陰陽獅子天秤人馬寶瓶屬陽屬晝金牛巨蟹雙

女天蠍磨羯雙魚屬陰屬夜

黃道十二宮分動靜

會通云白羊天秤磨羯巨蠍主動辰戌未金牛獅子天蝎寶瓶主

靜子午卯酉

黃道十二宮分為轉定二体及春夏秋冬并分南北

象宗云白羊與天秤二宮太陽到此晝夜均停自白羊至雙女為北六宮天秤至雙魚為南六宮太陽入白羊轉北入天秤轉南太陽至巨蠍宮初度後漸轉于南至磨羯宮初度後漸轉于北此四宮號為轉宮辰戌未金牛獅子天蝎寶瓶此四宮號為定宮子午卯酉陰陽雙女人馬雙魚此四宮號為二體宮寅申巳亥白羊金牛陰陽屬春巨蠍獅子雙女屬夏天秤天蝎人馬屬秋磨羯

寶瓶 雙魚 屬冬 俱以太陽所到而為 春夏秋冬四時正令耳

舍 無權附

會通云 日舍 獅子 月舍 巨蠊 土舍 磨羯 寶瓶 木舍 人馬 雙魚 火舍 白羊 天蝎 金舍 金牛 天秤 水舍 陰陽 雙女 乃第一有權即本宮

日寶瓶 月磨羯 土巨蠊 獅子 木陰陽 雙女 火天秤 金牛 金天蝎 白羊 水人馬 雙魚 為無權相天宮是

井 怪附

會通云 日井 白羊 月井 金牛 土井 天秤 木井 巨蠊 火井 磨羯 金井 雙魚 水井 井 雙女共廟取宮同

日降 天秤 月降 天蝎 土降 白羊 木降 磨羯 火降 巨蠊 金降 雙女

水降雙魚計之

對沖

分及三角

三角形每相去一百二十度

會通云白羊獅子人馬火分屬熱屬乾皆為陽其官太陽木星

亦為陽

木星太陽木星

主天下地方從西至北

寅午戌日

金牛雙女磨羯土分屬冷屬乾皆為陰其官太陰金星亦為陰

夜太陰金星

主天下地方從東至南巳酉丑金

陰陽天秤寶瓶氣分屬熱屬濕皆為陽其官土星水星亦為陽

晝水星土星

主天下地方從東至北

中國在內土星在此有大權因

此方土星上升

申子辰土

巨蟹天蝎雙魚水分屬濕屬冷皆為陰其官火星金星太陰

水星

為主夜月皆火  
星畫金聲火星主天下地方從西至南

庚午未  
火三角

各星至其宮各皆有推

象宗云白羊人馬獅子宮屬火屬東北方

與會通所  
言不同

主星畫太

陽木星夜木星太陽晝夜相助者土星太陽性燥熱木星性熱

潤在土星性寒燥故以解太陽木星之性寒以解熱燥以解潤

故平和土助  
日木

金牛雙女磨羯宮屬土屬東南方主星畫金星太陽陰夜太陽金

星晝夜相助者火星金星性熱潤潤多于熱太陽陰性潤在火星

性極燥燥以解潤故平和

火助  
金月

陰陽天秤寶瓶宮屬風即屬西南方主星畫水星土星夜土星

水星晝夜相助者木星土星性寒燥木星性熱而潤水星性隨

土木之性木星性熱潤解土星寒燥以此平和

土木助  
土水

巨蟹天蝎雙魚宮屬水屬西北方主星晝金星火星夜火星金星晝夜相助者太陰火星性極燥金星性熱而潤潤多於熱在太陰性極潤以解金火之燥熱故平和

月助  
火金

既曰助則須有相助之實助有不同此章所言是其一端如以命宮言則星在命宮度最有權者為主次為助凡星在四正角為主二宮五宮八宮十一宮為助其夾拱亦為助

界

象宗云每宮分度數皆分屬於五星但多寡不同

大抵星至此  
有力則度潤



白羊初度至六度屬木星 七至十二金 十三至二十水

二十一至二十五火 二十六至三十土

金牛初至八金 九至十四水 十五至二十二木 二十三

至二十七土 二十八至三十火

陰陽初至六水 七至十二木 十三至十七金 十八至二

十四火 二十五至三十土

巨蟹初至七火 八至十三金 十四至十九水 二十至二

十六木 二十七至三十土

獅子初至六木 七至十一金 十二至十八土 十九至二

十七水 二十八至三十火

雙女初至七水 八至十六金 十七至二十一木 二十至  
二十八火 二十九至三十土  
天秤初至六土 七至十四水 十五至二十一木 二十二  
至二十八金 二十九至三十火  
天蠋初至七火 八至十一金 十二至十九水 二十至二  
十五木 二十六至三十土  
人馬初至十二木 十三至十七金 十八至二十二水 二  
十三至二十四土 二十五至三十火  
磨錫初至七水 八至十四木 十五至二十二金 二十三  
至二十七土 二十八至三十火

寶瓶初至七水 八至十三金 十四至二十木 二十一至  
二十五火 二十六至三十土  
雙魚初至十二金 十三至十六木 十七至十九水 二十  
至二十八火 二十九至三十二

若本星行至所屬度上則有力不言太陽太陰者木星行到所  
屬度上則有太陽之力金星行到所屬度上則有太陰之力每  
宮度數分屬五星有六家今特選此一家

會通云各星在界內吉星過又吉星起為大福過者已過無吉  
起者將來  
星過又無吉星起為禍 又云界主禍福之來時

大福

白羊七度 陰陽十五度 獅子二十度 雙女十四度 天  
秤十二度 天蠟十五度 人馬九度 寶瓶二十一度 雙  
魚九度

大禍

白羊二十六度 金牛二十六度 陰陽二十五度 雙女二  
十四度 雙女三十度 人馬二十五度 磨羯二十五度  
雙魚三十度

位

會通云如日在獅子木星在人馬離日一百二十度今二星相  
距亦一百二十度為有位水星在陰陽離日三十度今二星相

距亦三十度為有位星在下宮位史位

太陽 土離一百八十度 木離一百二十度 火離九十度

金星六十度 水三十度

日要在前星在後 月要在後星在前 位主吉星加吉凶星

減凶

以上五項合并分或過二或過三則主大權一不為權

### 大權表

太陽大暑 獅子 太陰夏至 巨蟹 土星大寒 寶瓶

木星小暑 人馬 火星霜降 天蠍 金星秋分 金牛

水星處暑 雙女

白露

七曜廟旺宮

即并論度

其分向背見命法取主星法內

象宗云自古論七曜廟旺度數並無不同

太陽在白羊宮十九度至二十五度

大陰在金牛宮三度至二十三度

土星在天秤宮二十一度

木星在巨蟹宮十五度至二十六度

火星在磨羯宮二十八度至三十度

金星在雙魚宮二十七度至白羊十二度

水星在雙女十五度至二十一度

羅喉人馬三度 計都陰陽三度

已上各星在廟旺宮分同旺在本度上為極旺各星離旺度則無力何謂旺宮旺度言各星到本位上高貴有力與旺宮旺度對照者是各星無力弱處曰廟者朝廟之廟也

黃道十二宮分度數相照

象宗云九宮分相照隔一百八十度為相冲一百二十度為三合九十度為二弦六十度為六合相冲照係相離仇恨宮凶言相冲即同相離仇恨也二弦照比相冲減半凶三合照主和厚親睦吉六合照比三合減半吉

若一星在白羊二度與雙魚二十八度同一星在人馬二十八度與磨羯二度同一星在陰陽二十八度與巨蟹二度同一星

在雙女二十八度與天秤二度同

黃道十二宮每宮分為三分即分定度

衆宗云凡十二宮每宮分為三分每十度分與一星

白羊起一度至十度分與火星

依天係本宮主星故為始其後十  
天輪次第排去因而復始十

一度至二十度分與太陽二十一度至三十度分與金星

白羊前十度火中十度太陽後十度金

金牛前十度水中十度太陰後十度土

陰陽前十度木中十度火後十度太陽

巨蟹前十度金中十度水後十度太陰

獅子前十度土中十度木後十度火



雙女前十度太陽中十度金後十度水

天秤前十度太陰中十度土後十度木

天蝎前十度火中十度太陽後十度金

人馬前十度水中十度太陰後十度土

磨羯前十度木中十度火後十度太陽

寶瓶前十度金中十度水後十度太陰

雙魚前十度土中十度木後十度火

推以火星太陽金  
水太陰土木為序

### 黃道宮分性狠有毒

會通云獅子人馬十五度後生人性狠

本命宮言其  
論命主星

天蝎有毒

### 黃道宮分人獸性

會通云黃道宮有人性者陰陽雙女寶瓶人馬前半有禽獸性者金牛獅子天蝎雙魚人馬後半

黃道宮分南北高早上升下降

會通云白羊宮初度至雙女宮末度屬北道高係升上

天秤宮初度至雙魚宮末度屬南道早係降下

黃道上離二至度數相同

袁宗云黃道上離冬夏二至度數相同或前或後俱三十度或六十度其力相等

黃道分四象限及四時四年四疾四方

天文實用云其一為降婁大梁實沈其性如春為熱而濕以得

和平故類紅疾與童年合紀其方則為東

其二為鷄首鷄尾其性如夏為甚熱而乾故類黃疾其德  
長生與年富力強合紀其方則南

其三為壽星大火折木其性如秋為冷而乾德衰物悴故類黑  
疾與中年合紀其方則西

其四為星紀元枵娵皆其性如冬為冷而濕故類白疾與衰老  
合紀其方則北

### 羅計

天文實用云太陰在正交性同木金在中交性同土火

### 月朧胸

考晦而月見西方曰朏朔而月見東方曰朏則自行

五星晨夕伏見

考土木火與日合伏後日在前星在後為晨見東合前亦有夕  
不見西必因星行已入限與日對冲後為夕見東以日速星遲  
故日入地平星體却在地平上冲前亦有晨不見西必因星在  
歲輪右 金水與日合伏後夕見西則以星起日之前合前亦  
有晨不見東必因星行已入限逆行與日冲伏在日下冲伏後  
晨見東則以星繞日之後冲前亦有夕不見西必因星行已入  
限

土定限距日十一度木十度火十一度三十分金五度水十一

度三十分

五星先後太陽出入

象宗云五星先太陽出謂東出後太陽入謂西入各有度数土  
木火離太陽六十度金四十五度水二十五度速者不在東出  
西入之數一云金四十八度水一十四度土木火先太陽東出有力金水後太  
陽西入有力

地平宮分正輔降

考一宮十宮七宮四宮為四正前二宮五宮八宮十一宮為四  
輔宮三宮六宮九宮十二宮為降下前

地平宮分陰陽上下升降及東西南北

考一宮到十宮七宮到四宮為陽餘六宮為陰

子到午上行午到子下行

十二門到十門為東門即九門到七門為南六門到四門為西

三門到一門為北

十二舍性情又名十二門即地平宮

天文實用云先據子午圖東西平分各半天一升一降次據地平直角以交前圖復平分各半天一上一下是四象限也與四時四方四疾四年應此亦約與黃道同前見乃每象限分有三舍起東地平右行一周而復一舍二舍等係右行一限在上居天之東內為十十一十二三宮屬陽主紅疾其性乾錄東風之噓拂及太

陽之初照皆能散去夜濕故二限亦在上而居西內為七八九  
三舍屬陰主黃痰其性乾熱緣太陽因風增力故三限下地平亦  
居西內為四五六三舍屬陽主黑痰其性濕緣太陽方退引發  
同性之風并濕氣故四限自下天正中至東地平為界內為一  
二三三舍屬陰主白痰其性濕冷其風北緣距太陽遠甚故象  
限之一與三謂之至至天中也二與四謂之離離天中也又各  
象限內凡起自地平及子午圈者為樞舍又為角舍着效大于  
他舍次得中效者為隨舍又次得微效者為側效是舍而每舍  
初度又名為頂一云中七政自第十二舍行至十舍頂天中之  
項力盛而效速至第一舍頂次之至第七舍頂又次之而行至

第四舍頂天頂之冲煞力莫之與比如十一如九如二如五如十二如三舍皆約有力惟六八二舍最劣

### 喜樂宮

象宗云水星在一宮即一門東月三宮金五宮火六宮日九宮木十一宮土十二宮



天象源委卷四

恆星

天步真源言赤道春分與黃道春分相合三萬六千年  
一次而天文實用言就今經度而論白羊宮起降婁二  
十八度止大梁十八度必應前差之故當時黃道春分  
起婁初至後退行當降婁二十  
八度其初星委宿主風雨然古多而今少本風緣距赤  
耳  
道北較古為遠過日加熱能散風雨故也考新西法選  
要恆星經緯表委宿在降婁宮黃經度二十八度四十  
六分黃緯度八度二十九分赤經度二十三度三十二  
分赤緯度一十八度四十九分以婁宿在今較古為遠

則是古為近矣古近於赤亦未始能遠于黃意者近字  
為遠字之誤近赤則近黃所以能過日也今姑存其

說

見本

第勿深考祇以現測為據至于赤道春分與黃

道春分三萬六十年相合一次之說其所謂黃道春分  
者蓋就恆星之春分度言耳恆星有歲差七十二年差  
一度零一十二秒照此推算亦不必滿三萬六十年而  
始相合意者歲差有不同耳然西法之歲差實多于今  
今亦姑存其說見占第勿深考所應深考者宮分之性  
情與恆星之性情耳以言宮度之性情不本恆星而生  
則何以天文實用言之謂天有性情皆兼星而言如宗

動天之黃道設無下星隨行其情莫驗其效難成矣乃  
列宿天之黃道既有恆星布列其下又有遊星力增效  
著所必然也味此言則恆星之性情即宮度之性情矣  
以言宮度之性情必本恆星而顯則何以象宗西占又  
言今將雜星內選出光顯有力者三十星各星屬何宮  
係何等第是何性情屬何方緯度味此言則既知宮分  
尚須辨其星之性情宮度自有宮度之性情而恆星亦  
自有恆星之性情又明矣平情以論與其強為合觀不  
如順以分觀之為得也且如白羊為火緯本宮而雜星  
不皆火性也白羊一度至六度為木星界而雜星亦不

皆本性也白羊前十度為火分而雜星亦不皆火性也

象緯真秘云用清黑油照天輪行度之色與光

油本可詳

識度數逐時之五行又云觀雲氣之初生可以驗天度之五行雲氣初生天氣下降之初也夫天輪逐時且有五行天度亦隨時有其五行矧天之本度無有一定之性情乎但從來觀象者惟知觀五星中之一星而不能兼觀四星且惟知觀五星中之一星而不能兼觀恆星即能兼觀五星與恆星亦不能為之立象安命更觀其在天頂在命宮與東出西入之星此西法之所以為密也惟知觀五星而不及恆星是得其本而遺其末矣惟

知觀恒星而不及五星據其末而忘其本可乎西法於  
恒星之性情又俱為此例于五星之性以為觀其理似  
尤屬有據觀象者欲操其本不失其末其先觀日月次  
觀五星又次觀恒星比例于五星之性而再兼論其所  
主如中法紫微垣三公主太尉司徒司空閭道主輦路  
宮掖之類又次觀雲氣仍証之以四時憑之以人事庶  
幾無負其觀矣象宗西占所言三十星如人生椅子等  
象與中土所定恒星之形象名色不可通故不載入新  
西法有恒星受凌犯表取黃道左右每至八度內四等  
之星列為此表新西法選要恒星經緯表并載性情凡

在天經星一等二等三等皆載四等離黃道八度以內者載五六等小星在八度以內關係星座者另有成書又求各星在各地方天頂知北極出地度即知天頂距赤道以星緯與距天頂相加減即知某恒星距天頂經加九十度即知赤道東出減九十度即知赤道西入再檢恒星經緯表即知恒星同五星東出西入如欲求恒星之應入某宮用赤道在天頂變赤道不在天頂見求地平宮法輯恒星

月北恒星  
算為早差

### 歲差

天文實用云開闢初時適當春分中西皆以是日特中星為微

註云中西皆以角初為首宿即因開闢首日昏時角當天中故也今依恒星本行逆推設角退九十六度計年則七十矣與聖經紀年正合據此說在開闢時春分角為昏星至堯時而星為昏星已差有四十五六度是相距已三千餘年矣華湘曰堯之冬至日初昏昴中今之冬至初昏室中計今去堯未四千年而差五十度矣按至元十八年冬至在箕十度至康熙辛未歷四百一十年而冬至在箕三度半按時法每年歲差約七十年差一度本朝定一年差五十一秒康熙甲子年七政時憲列宿距度限分依黃道每年每位加五十一秒

恒星大小分為六等與四十八象

會通云論各星大小一等十五星二等四十五星三等二百八十星四等四百七十四星五等二百一十六星六等五十星共一千二十九星 天星共四十八象十二象在黃道十五象在黃道以南二十一象在黃道以北在面者十有二象中國不見

但星性情

天文實用云中虛分垣分宿計二百八十座見界諸星盡矣西國於此見界諸星約以四十八像與會別加近南諸星都為六十像驗時依像推效各異古歷家詳察星之形星之性與某物合因以某物像之是像具有所以然矣安得其無效乎其效最著者如參井心尾等宿因內有五車大星柱星故主風參箭大



用貫索主暴風昂畢同日月出地平主雨軒轅南河狼星主熱  
是也更詳十二宮次各像就今躔度而論白羊宮起降婁二十  
八度前解見止大梁十八度其初星婁宿主風而然古多而今少  
緣距赤道北較古為遠此過日加熱能散風雨故中星左更性  
約和平稍偏乾熱末星天陰等較古稍熱文熱上而為害少其向  
北星胃宿天阿等多屬土大水諸星甚熱多害其向南星性冷  
易生水緣有天因屬土故金牛宮起大梁十九度止實沈二十  
五度內有昂宿主風雨及霧皆較古為少次有天街月等星古  
濕而熱今較和平末為早宿主多雷與與霹靂其北礪石和平  
其南天終天節並屬火土金月諸曜無定情雙兄宮起實沈二

十六度止鶉首二十四度內有井宿積薪天壽五諸侯北河景  
星前者在西稍濕而熱次者微過于乾後者在東情雜亦稍偏  
乾在北者主風行地動在南者主天暑地燥巨蠶宮起鶉首二  
十四度止鶉火十二度首得鬼宿及水位之東星主霧多地動  
中有無名數星古和今熱末為酒旂甚熱又稍主風南之無名  
星並蠶毒熱獅子宮起鶉火十三度止鶉尾十六度內有軒轅  
御女少微長垣以及五帝座其前星間毒居中者稍濕而溫平  
後星古惡今約和平迄北屬大而無恒效迄南者恒濕室女宮  
起鶉尾十六度止大火六度其星日內屏而右以及亢宿多星  
前者稍熱為害次者和平後者主多雨北者主風南者和平天祥

宮起大火六度止大火二十六度內星為火為陣車為西成為  
日為天軸前者多和平而稍乾次者和平後者主西北者主風  
南者乾毒天蝎宮起大火二十七度止析木二十六度內為房  
心尾東咸從官等星前者主雪次者約濕而多和平又次者主  
天變北者熱而者濕人馬宮起析木二十六度止星紀二十八  
度內為箕斗建星天淵諸星又狗國天鷄等前者濕且冷次者  
溫和而稍冷後者屬火北者主風南者無恒效而多濕磨羯宮  
起星紀二十八度止元枵二十二度內為牛女二宿壘壁陣西  
西字 等星前者性熱為害次者和平後者主雨南北並濕而  
字誤 惠寶瓶宮起元枵二十三度止敏堂十五度內包壘壁陣虛危

及羽林軍前濕次和後主風北熱南主雪雙魚宮起娠嘗十五  
度止降婁二十七度四為雲為雨為霹靂為外屏為奎前者稍  
偏冷次者濕後者熱北者主風南者主水其各宮度大小不齊  
必因黃赤相較之故  
恒星有五  
性所主天時人事

會通云各星有土星之性皆屬冷屬乾下雪雹壞人命

有木星之性生風有福能救人

有火星之性大熱雷電風暴瘟疫

有金星之性屬濕屬冷有雨

有水星之性無定性同土即冷同木生風火亂天氣

有太陽之性亦熱亦生風有月性海中亂且浪湧

恆星做他星變性

天文實用云恆星雖同一天同一行而其著效于下物則時有  
異緣會合他星所做情性不同故或與日與諸遊星會遊星指  
或受其照或出入地平及至天中皆與之偕則做之其做之也  
或做一星或並做二三星以其本性更合他性其力安得不增  
其效安得不倍如做土其效冷時變雲雨為雹以損下物做木  
雖主風而益下物却又主雷亦順時而緩聲緣木性善故做火  
主猛雷雨主酷熱若並做土則益燠與毒矣緣二星皆惡故做  
太陽主多風或加熱做金主濕而冷做水無定情所忌者并做  
他星而合雙性如併做金必做火為最惡毒物甚併做木或做  
魚做金水魚

做木主暴風併做火或土效各做之所謂併做者必已做一星又兼做一星又不明言必秘之  
致其止言做木應明言以某星做下又有觀色以辨之款做太陰主陰黯起霧海水揚波

觀星色以辨星之做

天文實用云恒星所做是何遊星以色別之最白著而大光者做木最明而光大稍紅者做日最亮而色類黃木者做金色如月白而光鈍不尖也且微做月甚紅者做火青如鉛者做土反其色而大光者做水雲氣濛濛者做月并做火昏甚約無光者做月併做土也又即光之多寡以測效之強弱光大明其效大顯光多閃主荒亂光密力强至若星稀則力少似明似黯如雲如霧其效必惡擬于其色辨之

距黃緯及距赤緯并居四角等處

天文實用云天固有定有移赤道居二極之中黃道出入赤道  
內外度分各等終古常然命為定圈地平與十二舍圈皆從地  
平分不論天極何居命為移圈今論恒星于定圈祇就黃道經  
而論凡星入此一宮或彼一宮即從而得其力若論強弱須論  
黃緯凡在黃道緯南北七八度內者必得其力然亦不等當躔  
道線上者俱得與諸遊星會合其力廣南北距緯二度與月與  
土火金水會合者次之距緯四度與月火金合五度與金火合  
又次之蓋由七政凌犯以体相掩或以光相照因而得其性情  
足以補其地遠距地遠也行遲恒星行最遲之缺就赤道經而論前後俱

無受力之端就緯論則力有損益蓋星距赤道北者正照力增  
距南者斜照力少也如論星于赤道地宮平星居四角則其效大  
顯居各舍之頂初度是而又當地平地或當天頂為力必倍若  
但居舍頂或效或否未可必也

依七政八因

天文實用云提論恒星依七政而生占驗其因有八一因黃經  
距緯多少無論一因凌犯二體同度分者是一因光照以二弦  
四一百二度六合諸距為準一因同出沒依各地平而分一同至  
天中或上或下正午正子皆有本效一因距七政出沒或遊出  
恒沒或恒出遊沒一因中與側之異處遊與恒一星居天上下



之正而一星居其左右以當地平一因遊恒皆居十二舍頂或同居或別居凡此皆為增損本力著效不同之故

### 恆星之權

會通云第一星大者權大

第二色精光者權大作事物明白不暗昧

第三色不甚光明者作事物昏暗不明白 光密：不散者作事物穩當長久 光動搖者如狼星喜作亂做人不平心

第四星正在黃道內太陽經過極有大權

第五離黃道三度在黃道南其權在南在黃道北其權在北

第六離黃道三度至五度太陰火星常到

第七黃道七度至八度金星能列其權小

恒星之權論十二所在

會通云一在黃道二在黃道三度至八度因與五星相會

三離黃道在北；有能四離赤道在北五在本國頭上與

頂近者其力更大六各星之經同五星之經七離冬至夏

至同五星一體八出地平或入地平同五星能加五星之力

九有五星同各星午時圓其力大十各星自出地平十一

自入地平十二五星照其光其力為軟

日月且喜五星吉  
然恒星何為不同

恒星性情歌

降婁戌宮

恒星初起

天象源委卷五

占時風雨雷電霧露霜雪

易曰天地定位山澤通氣雷風相薄水火不相射八卦相錯又曰雷以動之風以散之雨以潤之日以暄之艮以止之兌以說之乾以君之坤以藏之在書之洪範曰八庶徵曰雨曰暘曰燠曰寒曰風曰時五者未備各以其叙庶草蕃廡一極備凶一極無凶莊子曰木與木相摩則然金與火相守則流陰陽錯行則天地大絀於是乎有雷有霆水中有火乃焚大槐故陰陽之精為日月五行之布為五星而五行之情不止於相生相尅兩端

又有相濟之情如水火之相濟人所共知者而金木之  
相濟人所未察如木為生氣主生長百物而無金氣以  
為收則生而不能成有如果實然陽舒為華陰斂為實  
陽以發生陰以凝結晝氣屬陽夜氣屬陰：陽循環物  
乃成形又有相薄之情或火與金薄金與火薄火走則  
奮而為雷金走則結而為電或水與火薄火與水薄火  
走則流而為電水走則散而為霖又有相迫之情以水  
迫火而火反見于上以陰迫陽而陽反著于外或迫之  
甚如日食以陰掩陽而反成旱乾或迫之未甚陽雜暫  
露而陰終密布火雖上見而雨即下施又有相抑之情

以土抑火而火之發必毒以陰抑陽而陽之性不和大  
抵木不扶水則風不長水不扶火則雨不大金火不扶  
土則雷不燥物木火不扶土則風不傷人情狀既繁難  
以枚舉效驗自別理可類推又星之冲會仍復辨其宮  
度雖不論干支而干支已寓於其中仍復占以四時雖  
不論月建而月建已存乎其內只此風雨雷電霧露霜  
雪得其常則百工叙失其常則百事乖矣然風雨之來  
其大者為天象之徵其小者為地氣之召惟考天象而  
不考地氣但知陽而不知陰之學也如江南芒種後逢  
壬入梅為梅雨江北並無梅雨而惟長伏水蓋水至伏

而每漲猶水得火而勢浩大也史記天官書云自華以南氣下黑上赤嵩高三河之氣正赤恒山之北氣下黑上青勃碣海岱之間氣皆黑江淮之間氣皆白地氣有南北東西之不同則其為風雨也其不關乎天象而小者但觀雲氣可以得之其有關於天象而大者應之多寡要亦有南北東西之懸殊審幾者其靜體之可耳輯占時

### 星宮性情

七曜在舍占天時

會通云土星在舍冬至天寒夏至天溫木星在舍天晴氣爽小

風木主火星在舍或熱或乾太陽在舍大熱有小雨熱能致雨  
星有子則熱一金星在舍有小雨天不冷比木星不熱水星在舍  
極亦能生風為冷天氣善變水性無三日不變月在舍有而有雲常變月陰象雲  
月行疾是陰之氣  
改善變

亥卯未子午宮并月金水所主

象宗云凡雙魚巨蟹天蝎三宮係水局獅子寶瓶并太陰皆主  
大雨水金星亦主雨并霧露水星主風雲微雨土水主若當年

安命主星并四季安命主星并朔望安命主星是太陰或金星  
又在亥卯未子午宮分內一宮月金水三星內一星為命主星  
而二星與之相照主依舊雨多命宮主星或月在亥卯未子午  
宮而金水與之相照主雨或金



為命宮主星在夫卯未子午宮而水月與之相照亦然水做此  
在水局應而不必言。在干亦兩者熱能蒸為雨也在于能雨  
者性相  
同也

太陰近朔望

象宗云太陰近朔望主雨水朔望何以易兩日月相合與相衝之故

太陰行疾物自行輪與倍離圈

象宗云太陰行疾度數漸增主雨水氣盛之時

太陰升高

象宗云太陰在小輪上自下往上升高時主雨水從上弦至望

日是升高之時亦可以此為定宜檢自行

水星交宮并行遲

凡水星每交一宮則天色更改晴則陰陰則晴凡星交宮則改性而水更甚

若水星行遲不問在何宮分亦致天色更改并陰霧遲則力重

水行遲月金在亥卯未水常行遲之時與金星太陰同在亥卯未相照

象宗云水星行遲或太陰或金星在亥卯未宮主雨連陰

### 金冬至順行

金星冬至順行在東冬至兩少冬至將盡而大

金星退行月在丑子金性潤退行更甚在東方大而月又在丑子交喜雨之宮若日

在戌宮日旺雨少若日在未宮日不旺雨多矣

金星退行又在東月在磨羯寶瓶雙魚春分兩少夏至兩多

黃道十二象每象三分主天時分南北未驗通與黃道宮每宮分為三

分不  
同

會通云白羊第一分作風作雨二分不熱不冷亦有熱乾三分  
熱北方有火星之性屬熱南方有土星之性屬冷

金牛第一分有昴星不吉查昴星不在第三分而此指為一分必因歲星之故有風雨亂

天氣其二分溫濕多三分屬熱大雷電北方濕南方多不同性  
之星其性不冷

陰陽第一分濕其二分溫其三分乾性不定北方主風南方生

燥

巨蟹第一分大乾大燥二分三分大熱大乾北方乾熱南方燥

人物

獅子第一分熱乾二分三分溫北方熱乾南方濕

雙女第一分熱壞物二分溫有雨三分溫北方生風南方氣沖和

天秤第一分乾二分溫三分溫有雨北方生風南方壞人命

天蠟第一分雪二分溫三分天氣亂有風而北方熱南方濕如

象性溫五星之性亦溫相遇又有權即雨餘皆同也此訣

人馬第一分冷濕二分冷三分熱乾北方生風南方不定亦濕

磨羯第一分少熱壞物二分溫三分有雨北方溫壞物南方濕

壞人

寶瓶第一分濕二分溫三分生風北方熱南方溫飛雪

雙魚第一分冷二分溫三分熱北方生風南方生水

立象安命法

二分二至及相近朔望占天時

會通云論天氣看春分及春分相近朔望秋分冬至皆然見春分即知春分三月見春分朔望即定春分三月四季皆同亦

定宮轉宮二體宮一

年半年四季占之法

第一要看命宮分至朔望次即日月宮日月宮論次送朔望之

宮日月二曜中取強者論如日強論日如日在午巳為送宮其

宮要取五星有權者為主星論其燥濕及順行逆行望時日月

星亦照此  
取強者論

朔望占天時法

會通云看朔望主星

是日月並首是

及主星所在宮寒熱燥濕命宮主

星及命宮主星所在宮寒熱燥濕及五星

此云五星即上所下主星

所在黃

道宮之性如宮為白羊即火星之性

上者局此者宮

又看十二宮之

四角內

先命宮次十宮次七宮次四宮

及上來者

二十一八

下去者之性

以探其往來消

息十二九六三

又看朔望及上下弦後月離五星六十九十一百二

十一百八十度

即照沖以占將來

再看主星同相近之經星相助何

等之力假令主星是濕各星性亦濕即雨多俱乾即旱多各性

如不同為天氣多變

各地方旱澇不同看各處天頂經星同五星之性其地方不遠

罕陽相反者以此 凡在本地方觀晴雨日日觀東方出地平  
亦觀星之  
東出地平及大頂上星不過一年陰晴可以盡知占此  
凡月內莫測望亦要莫上下弦別有來去消息

### 月內占晴雨四法

會通云朔時司與日月相會宮之主星或會或冲或弦照其日  
天氣必變要者主星及主星之宮之性乾則晴濕則雨月與朔望宮主星會冲弦此單看月日可並看

二法月到朔日命宮如安命在白羊一度月到白羊一度天氣  
必變如上占

三法月命宮列主星天氣必變取命宮幾時列主星以命宮赤

道度減主星所在赤道度如主星赤道度少加一圈減之餘數  
十三度一十一分作一日見流如餘三十九度即是月之初三  
日天氣有變以上三法極真即利命官也  
第四法五星入其最高冲之宮有表亦主天氣有變如土星至白  
羊之類

### 黃道宮

太陽交巨蟹視火星即最高

象宗云太陽交巨蟹宮初度至此時火星先太陽出主天色極

熱

太陽交磨羯視金星即最

早



太陽交磨羯宮初度至此時金星先太陽出主天氣極寒

太陽交巨蟹宮與火沖復離火即最

太陽交巨蟹宮初度若太陰與火星相後火沖月性往冷者先

離了火星又在寅午戌宮分內火主夏季極熱

太陽交磨羯月與土合復離土即最

太陽交磨羯宮初度若太陰與土合後復離土星在己酉丑宮

分內土主冬季天色極寒有雪

日在申月在寅觀風小滿後也

象宗云太陽在陰陽宮太陰在人馬宮者此時有和風則一年

之風皆善風惡則一年之風皆惡陰陽係申宮馬風局之首故云然

日在白羊金牛金退行

會通云日在白羊或金牛其時金星退行其年春分三月雨多

金星必同在  
白羊金牛

日在火界

會通云日在火星界上夏至熱多冬至春分乾多

太陰金水交災卯未宮

象宗云太陰金星水星初交災卯未三宮主及時雨若不當雨

時則天昏暗風起揚塵

太陰必同金水交  
卯未三宮也

土在中子辰亥卯未及火木金水在

土星在中子辰亥卯未宮分主天寒雨雪露暗若火星在內

主天熱并熱風又主天旱井泉水少若木星在內則有和風若  
金星在內則和風不急若水星在內則清風頻轉方位丙午  
特中子  
辰辰分也卯未分也亦土風吹于氣土在內不為  
以此為兩霧火木金水在內畢竟單指氣分言為驗  
月金水在災宮或災三合

象宗云太陰金星水星皆在災宮或災宮之三合則雨多有水

災甚廣

災三合  
卯未也

火在本宮及土星宮

二至二分大星在本宮內三月之中雨甚多以熱能生水俗太  
熱則

乾 火星在土星本宮三月之中雨少在他星本宮亦雨少俗  
燥則

活看火在土宮一熱一冷兩情相競火勝則晴土勝則  
雨大氣燥則有之何為無雨在他星宮亦不得為雨少

地平宮

命主星為月金水

凡稱命主星換當年四季朔望

象宗云命主星是太陰主大雨水多且廣是金星則有風雨陰晴雨水是水星則風雲多雨少 若已上星在主星位分不係雨時則陰晴風起微雨

命主星月金水在亥卯未子午宮

象宗云當年安命主星四季安命主星并朔望安命主星是太陰或金星或水星又在亥卯未子午宮分內一宮主兩或三星內一星為命主星二星與相照主依舊多雨 此節與前文畧同 若已上星在主星位分不係雨時則陰晴風起微雨

命宮主星或金或水或月與月金水交相照

象宗云命宮主星或金或木或月過太陰金水在亥卯未宮與

金木月交相照

月土與金木交相照

或在命宮或十宮又是亥卯未宮亦

主雨水頻；比土稍減不為災

命宮主星金過月水在亥卯未水分與之照而亥卯未又作命

宮或十宮有權測象重  
重鳥得不雨木月照此

命宮主星土與月金水照又又降下

象宗云安年命宮主星是土星過太陰金水在亥卯未宮與土

相照或在命宮或十宮又是亥卯未宮土星又當降下之時亦

主大水

命宮主星土過月金水在亥卯未宮土星又降下以冷魚測矣得不雨

冷陰象所以熱能致雨當熱時而冷陰勝陽故秋冬熱則多雨

命宮主星火與月金水照及金水又逆行

象宗云當年安命宮主是火星遇太陰金星水星在亥卯未宮  
分與火星相照火又在十宮或在命宮或十宮又是亥卯未宮  
主無限大水若金水又係逆行復遇惡星相照則水災尤甚命宮  
主星火遇月金水在亥卯未與之照而亥卯未又作  
命宮或十宮主水者以熱能發水也水非熱勢不大

太陰在安命宮離土遇日

象宗云太陰在四安命宮年季遇土星後離土星却遇太陽主

夏季極熱冬季極寒冬季極寒太陰離  
太陽後又遇土

太陰在安命宮離火遇金或離金遇火

象宗云太陰在安年命宮或四季命宮或朔望命宮或二弦特遇

大星後經了大星又遇金星或先遇金後遇火主雨多以金火  
也故  
雨多

太陰在安命宮與土木火各星照

象宗云太陰在四安命宮與土星相照主冬季極寒多雪與木  
火二星相照則多風火炎上亦  
能生風

太陰在四正柱上

若安年命宮或四季命宮或朔望命宮太陰在四正柱上主大  
水安年命宮見之應在其年四季朔望則此

太陰在六陰宮

象宗云太陰在當年安命宮星盤內第十宮九宮八宮四宮三

宮二宮六陰宮分主多大水若在此宮相對宮分五六七十一係

陽宮主兩水少

年命星盤分四行視火土之在大抵占天時用分處居多

象宗云若年命星盤是火宮寅午戌土星在內則減熱火星在內

則發熱年命星盤是土宮丑巳酉土星在內則添寒火星在內

則減寒年命星盤是風宮辰申子土星在內則減熱火星在內

則添熱若太陽木星水星或二星在風宮則多風年命星盤

是水宮亥卯土星在內則添寒火星在內則減寒

命宮前有土火二星在寅午戌亥卯未

象宗云若近安年命宮之前或近四季安命宮之前或近朔望



安命宮之前有土星在寅午戌宮分內則減熱在亥卯未宮分內則天氣極寒有火星在寅午戌宮分內則天色極熱在亥卯未宮分內則天色減寒

命宮前有星在申子辰或與申子辰相照觀風

袁宗云若近安命宮之前或近四季安命宮之前或近朔望安命宮之前七曜內一星在申子辰宮或與申子辰相照則多風看星何性其風隨其性也觀風自何方來看本星二三度屬何方若火星在其宮申子辰則有急風天紅雲色若土星在內則不風不急而寒若木星在內則有和風比土星之風微急若金星在內則和風帶潤若水星在內則有清風

朔望命主星與七宮主星照

朔望安命宮主星與第七宮主星相照或移光相沾或聚光似此亦主當時有雨不當雨時則天暗風熱時則極熱冷時則極冷七宮者相對命宮之宮觀配偶視此宮觀仇敵亦視此宮或觀雨亦視此宮此宮主星如無命宮主星相接相和有兩相戰亦有兩故云云

開門之理

太陽會巨蟹土舍磨羯

會通云如太陽會在巨蟹土星在磨羯不論何時相會冲方或在未而土亦在未或相照照即為開門門開即有入門者其冷熱晴雨皆倏忽有變  
未係太陰本宮

開門有三

會通六一土星太陽是開水門若在冷乾宮溫熱宮定有大冷  
大雲大昏沉若在濕冷宮定大雪大雨夏至則冷雨若土星權  
大于太陽其冷更甚土性令乾力大會日則冷融化而為水不  
乾矣故加以宮性之冷乾為昏沉加以宮  
性之濕熱必大雨加以宮性之冷乾為昏沉加以宮  
濕冷冬則雨雪夏成冷雨云

二木星水星是開風門壞樹木房室

三火星金星是開水門有雹雷霆壞樹木

金性潤火性熱潤遇  
熱而更潤故為開水

門火性燥金性冷以冷抑燥  
而燥愈甚雷之發所自來矣

會冲方無他星及有月有金水并有退行之星在內

開門一為相會相冲方中無他星無他星論前行星之性在後

者不論如太陽追土星相會冲方則論土之性土退追日會冲

方論太陽之性前者為首

一為會冲方之中有月在內離一星近一星視月之離與近

一為會冲方之中有金星水星在內

中間相近一星論其性如近太陽定善定熱近土星定惡定冷

若中間有退行之星定開大雨之門亦當視其星之性

五星在日光下并退行

春分時四正宮內五星在日光下必雲多有雨夏至熱雷秋分

冷雨冬至雲多南風

若五星俱在日光下則論星之強弱與主客再論星之遠近遠日者稍為有權

金水在日光下春秋時作冷作溫春分風多

作冷作溫金水與時相成而在春更

為多 夏至熱有雷 熱亦與時相成而雷 冬至雲有南風 雲凍金  
水所發而 土星火星木星亦異同 南風所生風  
南固日之溫 土星火星木星亦異同  
秋分時五星或一或二或三在日光下 退行主一年大旱 亦宜  
性之 論星

夏至五星順行天氣沖和五星有一二退行并權大者夏至熱  
亦宜論五星退行熱順行寒 順行應  
星之性 平和

七曜會沖

日月

會通云太陽太陰會沖方濕宮雨熱宮乾晴

土日

土星太陽會冲方為大門開大雨雪電春分冷雨夏至電雷減  
熱秋分冷雨冬至冰雪雲

土月

土星太陰會冲方濕宮冷雲小雨月與土同性月滿天蠲人馬  
加冷應加月空乾黑雲小雨乾則雨不能久春分天氣變夏至濕減熱

秋分雲冬至雪冷

土木

土星木星相會及冲方各減冷土木可減濕宮加水春分在濕宮  
冷熱多變夏至雷有電雷者木之升電者土之結皆乘熱而成者秋分大風大水風  
木水全看上下如土星在上天氣風雨大雷飢疫土權大木星

在上相又

土火

土星火星相會及冲方前後數日大雨雹火雨火之力天氣燥  
燥則昏暗不分上下春分大雨雹夏至大雨雹秋分大水冬至減冷土火之  
冷乾隆二年十一月二十四日火土正冲火在寅  
土在中逆行冲前後頗雪冷本日之夜大雷雨

土金

土星金星會冲方湿宮雨水春秋分冷雨夏至倏忽雨夏至土  
故止倏忽雨冬至雪冷

土水火

土星水星火星會冲方乾宮旱在乾宮則火不温宮大水在湿  
能融土之冷

火能發土之性  
而成爲大水矣  
熱宮風水與火俱成風  
冷宮冷乾水火俱成乾性  
春分風雨夏  
至同因春夏熱而成  
秋分風雲冬風雪因秋涼冬冷而成

木日

木星太陽會冲方天氣和天晴小風細雨細雨和氣所生  
凡物皆冲和  
春分秋分風夏至小雷冬至小冷

木月

木星太陰會冲方有風天晴冲和濕熱冷乾隨所在宮之性俱  
不大不小木主風月性疾故相合爲風溼熱冷乾指宮氣而言

木火

木星火星會冲方熱宮乾宮大熱有風  
濕宮大雨熱極所致  
雷電雷爲木所



升電為春分風春氣大也天氣不安夏至熱大雷秋分風故係滿散之時故為

木金

木星金星會冲方天晴和生物皆養人濕宮而以或西別宮天

晴風熱宮則熱性助木而生風

木水

木星水星會冲方有風熱宮內大旱熱風亦為門閉

火日

火星太陽會冲方熱宮大乾大熱濕宮有電宮性濕或為火日

大雷電冷宮風極大宮性冷則熱性外奔而生風春分秋分風乾夏至大熱

雷電冬至減冷

火月

火星太陰會冲方温宮有雨濕勝熱宮乾宮有大熱紅雲熱勝

夏至雷火必發大抵天氣有變

火金

火星金星會冲方亦為大門開春分秋分水極大夏至雨冬至減冷定有兵起見開門有三條註

火水

火星水星會冲方春分風冬至雪夏至雷電秋分大風熱宮乾宮大熱大乾春多風之時火與水兩性合為風火行水亦行故也秋當氣涼之時故為風且大夏當熱之時火與

水而情柔而為雷電火性猛烈以水抑之氣必衝撞所以成雷  
尤必四射所以成電冬當凝結之時非火則水氣不上行何以  
多雪之本故水火會沖水  
寒大氣上行凝而成雪

金日

金星太陽會濕氣宮有雨四季皆有雨夏至雷

同火

金月

金星太陰會沖方小雨春分濕氣雲夏至小熱秋分雲冬至雪  
天氣亂且多濕蒸并久雲陰在夏則可以減夏之暑熱秋分濕  
少而雲多冬至并凝而為雪皆因特以成之理也

金水

金星水星會濕宮風雲

以潤而合濕且乎而爽惟  
主風雲者水性使之然也

水日

水星太陽會濕宮濕氣有雨以風熱乘乾宮熱乾有熱風傷人

以風熱乘熱之故大抵有風風乘熱所致

水月

水星太陰會冲方乾溫冷熱隨十二宮之性水行疾月行亦疾故善于隨物之性

雜會冲

月在子與日弦冲

會通云月離日一百八十度或九十度月在寶瓶而寶瓶多雨乘之性相迎而且又與日弦冲當弦望之時焉得不雨

日月合時土相沖照

二至二分前朔望日月相會沖處土星若在一百八十及九十  
及一百二十及六十度必有雷電冬至前土必合沖火方雷電  
否則日月與火合而土又沖  
之始雷若止與  
土沖主雪冷

月離日或金沖在辰戌卯亥

月離日或金星沖是月初離日金  
沖月并沖日故在白羊天秤天蝎雙魚內有

雷電雨金在白羊天蝎  
電天秤雙魚而雷

月與土沖照水金離木

春分前朔望月離土星六十九一百二十一八十八度土月  
皆在溫宮黑雲常有小雨或水星金星離木星六十九一百

二十一 百八十度 雨大且久

再加水金雜木則雨大且久者以潤乘熱之故

月與火冲視日

月與火冲火在天蝎日在寶瓶或雙魚雨

月與火冲火在水分送宮而日又在子交

多雨之宮故應雨

月與火會金水冲照火及日土木冲照火

月與火星會

温

宮內其時金星水星離火星六十九一百二

十一百八十度大雷電水電不能有雨若火星離日與土星木

星六十九一百二十一八十度即日雨

以日土木力大于金水也

月與金水合

月與金水相合有雨二星皆合必雨

濕性相合之故

水金同月在濕宮

二至二分水星金星同月在濕宮大雨

月入子亥與水冲照

月入寶瓶雙魚天步變離水六十及九十及一百二十及一百

八十度雨月入寶瓶雙魚而與水三六合弦冲

日月金水相會

日月金水相合必雨

金月冲照及水金冲照

冬夏二至金星離月六十九十一百二十一八十八度金星在

濕宮雨甚多

冬夏二至水星在天蝎維金星六十九一百二十一

度大兩

天分

月在陰宮與退行星冲照

月在陰宮離退行之星六十九一百二十一

亦宜論星之性

金火冲照

金星離火星六十九一百二十一

度在天蝎雨水分

雜照

太陰與五星照

象宗云太陰與金星火星相照主雨與木星水星相照則風與



上星相照則極寒風雪

太陰在水宮與金照

太陰在水星宮分內與金星相照主雨多陰重

太陰在水宮分水又與金照

太陰在水星宮分內水星又與金星相照則陰雨多且大

太陰離一星又與一星冲照

太陰先與一星相照及相離後又另與一星相冲照後相照之  
星却是太陰所在宮主星主潤澤并風

月與宮主星冲照主風  
雨然亦宜論星之性

附

五星在最高冲

七政行最高早推步所重西占驗書  
惟冀于此卷目此亦可以類推見

五星在最高衝天氣必有變

全後太陽西入

金星後太陽西入在天知未三宮內一宮主當時有雨

天知未  
水分

若又有太陰水星相照主有雨尤多但止一件不全則雨稍減

附冬至用時日占一年及用秋分占明年法

會通云冬至子時看天氣子至卯主七日半卯至午七日半午至酉七日半酉至子七日半共一月

冬至後第一日主十二月二日主正月用十二日知一年大概不真

大抵明年雨多雨少占秋分以秋分本性濕故